

مجموعه ابوالضیا

ماسوا شایه سندن دلی تطهیره چالش
پر تو حکمت و عرفان ایله تنویره آتش

علوم و معارفدن بحث ایدر . و هر ماه عرفی ابتدایله اون بشنده نشر اولنور مجموعه فنوندر .

نومرو ۱۸ - جلد ۲] فی غره جادوی الآخره سنه ۱۲۹۸ [نسخه سی ۳ فروش

ظرافت

جمعیت بشر برنوع ماسقه لی بالودر .

هر کسک اکتسا ایلدیکی قیافت نه اولورسه اولسون، جله سی
ایچون بر ماسقه اولسی متفق علیهدر . بو ماسقه دخی نقاب ظرافتدر .
ظرافت الف و معاشرتله اکتساب اولنور . حسن و جمال و ذکاوت
بزمه برابر تولد ایدر یعنی جبلی اولوب، زمان و اختلاط ایله توسع و ترقی
ایدر . سوهانک آهنی ورنده نک تخته بی پرداختی کبی الفت دخی بزم
اخلاقزه جلا بخش اولور .

فرانسزجه ظرافت معناسنه اولان (پولیس) لفظی سبک و جلا .
لندبرقی معناسنه اولان (پوئیر) فعلندن مشتقدر .

هر کسی خشنود ایده جک صورتده معامله ده بولنق و اقرا نمره حرمت
ایتمک و یا فوقرده کیلره لزومندن زیاده طور تواضع اظهار و ماد و نمزده
بولنا نلری معامله بارده ایله دلزار ایتمک و الحاصل محاسن اخلاق قواعدینه
بزهات ادب دائره سنده رعایت ایتمک ظرافتدر .

ظرافت نواقصمزی ستر و اوصاف ممدوحه مزی دوبالا ایدن بر
جلادر .

انسانیت پرور و عالی جناب و مروتمند اولماقی صادقا بدبختقدردر .

حال بو که ظریف اولماق بر نوع قباحدر . ظریف بر آدم بر کونه فضیله مالک دخی اولسه مجرد خصلت ظریفانه سی سایه سنده هیچ دکلسه ظاهراً فاضل غیر ظریفدن زیاده مظهر حرمت و رعایت اولور .

ظرافت مملکت و عادت و اخلاقه کوره تخلف ایده ییلیر؛ فقط هیچ بر مملکتده بلادک مقبول اولدیغی کورلماشدر .

ظرافت جذب قلب ایدر؛ بلادت ایسه بادی نفرندر .

بر رجل ظریف بر مجلسک زینتی در . بر شخص بلید بر مجلسک قسوت ذی حیاتی در .

بر کیسه بی بر احق و یاخود بر قبا آدمله یکیرمکدن بریله تخیر ابدیلان آدم البته احق ترجیح ایدر . زیرا احقله امرار اوقات قابل، دیگرله بر ساعت انسیته انسان غیر مختلدر .

بر آدم ظرافتدن عاری بولندیغی صورتده فوق الغایه بر لیافته مالک اولمی در . فقط ظرافتدن بی بهره بر صاحب لیاقتی بر دفعه کورنلر ایکنجی دفعه اوله رق کورمکی اصلاً آرزو ایتزل .

انسانلرک اکثری ثروت و یاخود اقبال و رتبه ایله کسب غرور ایدرلر . بویله ذاتلر هیچ بر شیه مالک اولدقلری و یاخود صفر زائد منزلتله سنده بولندقلری زمان ظرافتی دخی ترک ایدرلر . حال بو که دنیاده ظرافتدن تخلیه نفس اتمک میلیونلره دکیشیلیر شیلردن دکلدر . زیرا ظرافت هر آن میلیون قراندیره ییلیر . فقط میلیارلر ظرافت قراندیره مز .

بعضاً ساده و لطیف و بعضاً دخی بارد و ساخته بر ظرافت واردر . لطیف و ساده یعنی تکلفدن آزاده اولان ظرافت اقران بیننده و ساخته ظرافت کوچوکدن یوکه و بارد ظرافت ایسه بیسوکدن کوچوک ابدیله کلاندر .

بعض اکا بر، برندن بر خدمت بکلدکلری و یاخود بر کونه امنیه ده بولندقلری زمان التفاتی ترید ایدرلر . بوایه عندلینده ظرافتدر . حال بوکه

بودر لوظرافتک زیرنده چهره ریا ویا سیمای استکبار و استهزا کیرنمشدر.
ظرافتک برنوعی معرورانه و نوع دیگری دوستانه و موالاتکارانه در.
ظرافت موالاتکارانه صفوت قلب ایله تؤمدر.

ظرافت ایله تربیه یکدیگرندن تقریق اولنقی ازمدر. ظریف بر آدم
دائماً تربیه لیدر؛ تربیه لی بر آدم ایسه گاه اولور که ظرافت کوستره مز.
ظرافت فکر و اخلاقده دخی جایکیردر. ظرافت طبع فضائل و محاسن
اخلاق ایله پرورده ذواتله آمیزش سایه سنده کتمدیکه کسب لطافت ایله
تربیه ایسه - باخصوص اکا بره قاره شی - بعض مرتبه رعایتکارانه
معامله دن عبارتدر که هیچ بر وقت خلقی اوله مز.

ظرافت مراسم زوم کوسترمز. تربیه ایسه مراسم پرورلکدن
عبارتدر.

ظریف بر آدم کیمسه به موجب صداع اولمز؛ حال بو که پک چوق
تربیه لی ذوات بعضاً بولندقلری محافل الفته ثقلت بخش اولورل.
منفعت پرست اولمیان بر آدم ظریفدر.

منفعت پرست اولانلر تربیه لی کورنمک ایستر؛ الحاصل برافندی
خدمه سته قارشی ظریفدر؛ خدمه ایسه افتدیلرینه قارشی تربیه لی بولنورل.
بر مکتوبه جواب ویرمامک ویرینک زیارتنی اعاده ایتمامک ظرافت
قواعدی خلافتده در.

بر آدم فرض ایدیکز که بر مجلسه داخل اولدیغی حالده طایعیدیغی
آدملرله قرق ییلاق آشناسی کی صاحبته کیریشیر. مشی و حرکتی ائناسنده
شونک بونک اوستنه باشنه باصار. وبلا تکلف صدر مجلسه صعود و قعود
ایله و کویا یا تاغنده ایش کی اوزانوب یاتار. آواز بلند ایله مکالمه قه
ریشیر. یا خوداسنر، او کسورر، آقصیرر. راست کلانه انفییه تقدیم و یا خود
هیچ بیلدیکندن سیغاره طلب ایله و بریلدیکنی بر طرفه چکهرک

فسلدی یه باشلار . طعام احضار ایلد کده سفره یه هر کسدن اول شتاب ایلر .
ویا خود جام طعام ایتمه جگمی بزکی صاحب خانه یه حجاب آور اوله جق سوزل
سویلر . ایشته بو آدم الک بیوک تربیه سز و ظرافت خصوصنده ده قابلیت سز در .

کمال بک افندی نیک میدی لی ده تأسیس ایتدکاری مکاتب ابتدائی ایچون

سنوی ۱۰۰ مجیدیه اعانه ده بولنان { غورجی } اسمنده حیتمند

برخستیانه یازدقلری مکتوبدر .

ناظر جمعیت فضیلتلو حاکم افندی حضر تلرینه کوندربلان ششقه
وطن پرورانه لری کمال ممنونیتله مطالعه اولندی . وطن ایچون والده دیانلر
نه کوزل بر حقیقت سولشلردر ! وطن اولادینی آغوش جایه سنده بیودر ؛
محصول طبیعتیه بسار . اوله بروالده نک چوجوقلرینه اخوان وطن سو -
زندن مناسب بر صفت می اولور ؟ اوله بر مشفق بروالده نک قیمتی ، اوله
طبیعی براخوت قدرینی ابنای وطنک اکثری نیچون بیلور ؟ شهید یوق که
هیچ برشی بیلدی کیچون آئیده بیلور .

جهالت کبی الک بیوک ملتلی محو ایتش ؛ الک بیوک جهانگیرله غالب
کیش ؛ الک بیوک حکیملری خطالره ، بلالره دوش-ورمش بر قوتلی انسانیت
دشمنینک قهرینی ، اضمحلالانی انه دکنک آلمقدن بسله ممنوع اولان بر قاج
خواجه ایله عجزده قوزیدن فرقی اولیان بشر آلتیش یاشنده چوجوقلرک
سعینه ، همتنه براقق عظمت الیه نهک نظر حکمت اوکنده نه قدر سوعیلی ،
نه قدر شایان دقت بر لطیفه سیدر .

ایشته بر قدرت الیه نهک بوتماشای عنایتنه مقتون اوله رقی ، جهالتک
زوالنه و اوقوتله ابنای وطنک اتحاد و اخوتنه و اوسایه ده وطنک سعادت
و سلامته المزدن کلدیکی قدر بر خدمت ایتک آرزو سیمله بوجعیت معارفی